



KENYATAAN MEDIA

KEMENTERIAN EKONOMI
JABATAN PERANGKAAN MALAYSIA

Blok C6 & C7, Kompleks C,
Pusat Pentadbiran Kerajaan Persekutuan, Presint 1,
62514, Wilayah Persekutuan Putrajaya
No. Telefon : 03 - 8090 4681

KENYATAAN MEDIA

MAJLIS MENANDATANGANI MEMORANDUM PERSEFAHAMAN ANTARA KERAJAAN MALAYSIA (YANG DIWAKILI OLEH JABATAN PERANGKAAN MALAYSIA) DAN SURUHANJAYA PERSAINGAN MALAYSIA (MyCC)

DOSM dan MyCC Perkukuh Kerjasama Memperkasakan Perangkaan Melindungi Proses Persaingan Melalui Memorandum Persefahaman

KUALA LUMPUR, 18 Jun 2026 – YBhg. Dato' Sri Dr. Mohd Uzir Mahidin, Ketua Perangkawan Malaysia mewakili Jabatan Perangkaan Malaysia (DOSM) dan Tan Sri Dato' Sri Idrus bin Harun, Pengerusi mewakili Suruhanjaya Persaingan Malaysia (MyCC) hari ini memeterai satu Memorandum Persefahaman (MoU) bagi memperkukuh kerjasama strategik dalam perkongsian data, penyelidikan perangkaan, pembangunan modal insan serta khidmat rundingan berkaitan statistik sektor berkaitan dengan Kajian Semula Pasaran dan Am untuk melindungi proses persaingan bagi kepentingan perniagaan, pengguna dan ekonomi. Majlis menandatangani MoU ini telah berlangsung di Ruang Legar CMO, Aras 10, Blok C7, Jabatan Perangkaan Malaysia (DOSM).

Memorandum Persefahaman (MoU) ini dimeterai bagi mengukuhkan kerjasama strategik antara DOSM dan MyCC. Pertama, kedua-dua pihak akan melaksanakan perkongsian data yang merangkumi pertukaran data pertadbiran serta data ekonomi berkaitan, selaras dengan kehendak Akta Perangkaan 1965 dan Akta Suruhanjaya Persaingan 2010 (Akta 713). Usaha ini bertujuan memastikan penghasilan statistik yang lebih tepat, holistik dan berintegriti.

MoU ini membolehkan penilaian dan pemahaman data yang lebih komprehensif melalui penggabungan kepakaran dalam bidang statistik dan persaingan, di samping memberi tumpuan kepada pembangunan modal insan menerusi program pembinaan kapasiti, latihan, pertukaran kepakaran serta perkongsian pengetahuan antara kedua-dua organisasi. Seterusnya, bagi meningkatkan kompetensi pegawai dan memperkukuh keupayaan institusi dalam menyokong pembangunan ekonomi negara yang mampan dan berdaya saing.

Kolaborasi strategik turut fokus kepada pemantauan bersama sektor ekonomi strategik dan dasar kerajaan bagi memastikan pelaksanaan persaingan yang adil merentas semua sektor ekonomi. Kerjasama ini akan memperkukuh keupayaan kedua-dua agensi menyokong penyediaan statistik serta analisis yang lebih komprehensif.

Sorotan Kepentingan Memorandum Persefahaman ini

Melalui kerjasama ini, analisis yang lebih tepat mengenai sumbangan sektor berkaitan mengenai persaingan yang melibatkan pengguna, kepentingan perniagaan dan ekonomi dapat dilaksanakan. Secara keseluruhan, MoU ini turut memperkukuh perkongsian pengetahuan dan kepakaran antara kedua-dua agensi dalam menyokong ekosistem ekonomi yang lebih berdaya saing dan telus.

Manfaat Utama Kerjasama DOSM–MyCC Dalam Memorandum Persefahaman ini

Melalui pelaksanaan MoU ini, ianya memberi manfaat strategik dalam memperkukuh kualiti dan nilai tambah analisis statistik ekonomi melalui integrasi perspektif persaingan pasaran daripada MyCC. Kerjasama ini membolehkan DOSM meningkatkan pemahaman terhadap struktur dan dinamik pasaran, rangkaian bekalan serta faktor yang mempengaruhi pergerakan harga, di samping mempertingkatkan relevansi data dalam penyediaan dasar awam berasaskan bukti, sekali gus memperkukuh peranan DOSM sebagai peneraju statistik rasmi negara yang lebih komprehensif dan berimpak tinggi. Secara keseluruhan, MoU ini dijangka mengukuhkan lagi fungsi dan peranan agensi melaksanakan penguatkuasaan berkaitan dengan aktiviti yang mempunyai kecenderungan yang merugikan kepentingan perniagaan, pengguna dan ekonomi Malaysia.

Malaysia buat julung kalinya telah menduduki tangga pertama (1) di peringkat global dalam laporan dwi-tahunan Open Data Inventory (ODIN) 2024/25 yang dikeluarkan oleh Open Data Watch (ODW), mengatasi 197 negara lain. Pencapaian ini merupakan lonjakan ketara daripada kedudukan ke-67 dalam penilaian ODIN 2022/23.

OpenDOSM NextGen adalah medium yang menyediakan katalog data dan visualisasi bagi memudahkan pengguna menganalisis pelbagai data dan boleh diakses melalui portal <https://open.dosm.gov.my>.

Dikeluarkan oleh:

**PEJABAT KETUA PERANGKAWAN
JABATAN PERANGKAAN
MALAYSIA 18 JUN 2026**